

後漢書

晉司馬彪撰
梁劉昭注補

後漢書志

第一一二册
第一九至第三〇(志)

中華書局

後漢書志第十九

郡國一

河南 河內 河東 弘農 京兆 馮翊 扶風

右司隸

漢書地理志記天下郡縣本末，及山川奇異，風俗所由，至矣。今但錄中興以來郡縣改異，及春秋、三史會同征伐地名，〔二〕以爲郡國志。〔三〕凡前志有縣名，今所不載者，皆世祖所并省也。前無今有者，後所置也。凡縣名先書者，郡所治也。〔三〕

〔一〕臣昭案：志猶有遺闕，今衆書所載，不可悉記。其春秋土地，通儒所據而未備者，皆先列焉。

〔二〕本志唯郡縣名爲大書，其山川地名悉爲細注，今進爲大字。新注證發，臣劉昭採集。

〔三〕帝王世紀曰：「自天地設闢，未有經界之制。三皇尙矣。諸子稱神農之王天下也，地東西九十萬里，南北八十五萬里。及黃帝受命，始作舟車，以濟不通。乃推分星次，以定律度。自斗十一度至婺女七度，一名須女，曰星紀之次，於辰在丑，謂之赤奮若，於律爲黃鍾，斗建在子，今吳越分野。自婺女八度至危十六度，曰玄枵之次，一名

天龜，於辰在子，謂之困敦，於律爲大呂，斗建在丑，今齊分野。自危十七度至奎四度，曰豕韋之次，一名嬖訾，於辰在亥，謂之大淵獻，於律爲太族，斗建在寅，今衛分野。自奎五度至胃六度，曰降婁之次，於辰在戌，謂之閭茂，於律爲夾鍾，斗建在卯，今魯分野。自胃七度至畢十一度，曰大梁之次，於辰在酉，謂之作噩，於律爲姑洗，斗建在辰，今趙分野。自畢十二度至東井十五度，曰實沈之次，於辰在申，謂之涪灘，於律爲中呂，斗建在巳，今晉、魏分野。自井十六度至柳八度，曰鶉首之次，於辰在未，謂之叶洽，於律爲蕤賓，斗建在午，今秦分野。自柳九度至張十七度，曰鶉火之次，於辰在午，謂之敦牂，一名大律，於律爲林鍾，斗建在未，今周分野。自張十八度至軫十一度，曰鶉尾之次，於辰在巳，謂之大荒落，於律爲夷則，斗建在申，今楚分野。自軫十二度至氐四度，曰壽星之次，於辰在辰，謂之執徐，於律爲南呂，斗建在酉，今韓分野。自氐五度至尾九度，曰大火之次，於辰在卯，謂之單閼，於律爲無射，斗建在戌，今宋分野。自尾十度至斗十度百三十五分而終，曰析木之次，於辰在寅，謂之攝提格，於律爲應鍾，斗建在亥，今燕分野。凡天有十二次，日月之所躔也；地有十二分，王侯之所國也。故四方方七宿，四七二十八宿，合百八十二星。東方蒼龍三十二星，七十五度；北方玄武三十五星，九十八度（四分度之一）；西方白虎五十一星，八十度；南方朱雀六十四星，百一十二度。周天三百六十五度四分度之一。一度二千九百三十二里，分爲十二次，一次三十度三十二分度之十四，各以附其七宿間。距周天積百七萬九百一十三里，徑三十五萬六千九百七十一里。陽道左行，故太歲右轉，凡中外官常明者百二十四，可名者三百二十，合二千五百星。微星之數，凡萬一千五百二十星，萬物所受，咸系命焉。此黃帝創制之大略也。而佗說稱日月所照三十五萬里。考諸子所載，神農之地，過日月之表，近爲虛誕。及少昊氏之衰，九黎亂德，其制無聞矣。洎顓頊之所建，帝嚳受定，則孔子稱其地北至幽陵，南暨交趾，西蹈流沙，東極蟠木，日月所照，莫不底焉，是以建萬國而

制九州。至堯遭洪水，分爲十二州，今虞書是也。及禹平水土，還爲九州，今禹貢是也。是以其時九州之地，凡二千四百三十萬八千二十四頃，定墾者九百（一）（二）十萬（八）（六）千二十四頃，不墾者千五百萬二千頃，民口千三百五十五萬三千九百二十三人。至于塗山之會，諸侯承唐虞之盛，執玉帛亦有萬國。是以山海經稱禹使大章步自東極，至于西垂，二億三萬三千五百里七十一。又使豎亥步（自）南極，（北）盡於北垂，二億三萬三千五百里七十五步。四海之內，則東西二萬八千里，南北二萬六千里，出水者八千里，受水者八千里，（經）名山五千三百五十，（經）六萬四千五十六里。出銅之山四百六十七，出鐵之山三千六百九。以供財用，儉則有餘，奢則不足。以男女耕織，不奪其時，故公家有三十年之積，私家有九年之儲。及夏之衰，棄稷弗務，有窮之亂，少康中興，乃復禹迹。孔甲之至桀行暴，諸侯相兼，逮湯受命，其能存者三千餘國，方於塗山，十損其七。民離毒政，將亦如之。殷因於夏，六百餘載，其間損益，書策不存，無以考之。又遭紂亂，至周剋商，制五等之封，凡千七百七十三國，又滅湯時千三百矣。民衆之損，將亦如之。及周公相成王，致治刑錯，民口千三百七十一萬四千九百二十三人，多禹十六萬一千人，周之極盛也。其後七十餘歲，天下無事，民彌以息。及昭王南征不反，穆王失荒，加以幽厲之亂，平王東遷，三十餘載，至齊桓公二年，周莊王之十三年，五千里內，非天王九嬪之御，自世子公侯以下至於庶民，凡千一百八十四萬七千人，除有土老疾，定受田者九百萬四千人。其後諸侯相并，當春秋時，尙有千二百國。二百四十二年之中，殺君三十六，亡國五十二，諸侯奔走不得保社稷者，不可勝數。至于戰國，存者十餘。於是從橫短長之說，相奪於時，殘民詐力之兵，動以萬計。故嶠有匹馬之禍，宋有易子之急，晉陽之（國）〔圍〕，縣釜而炊，長平之戰，血流漂鹵。周之列國，唯有燕、衛、秦、楚而已。齊及三晉，皆以篡亂，南面稱王。衛雖得存，不絕若綫。然考蘇、張之說，計秦及山東六國，戎卒尙存五百餘萬，推民口數，尙當千餘萬。及秦兼諸侯，置

三十六郡，其所殺傷，三分居二；猶以餘力，行參夷之刑，收太半之賦，北築長城四十餘萬，南戍五嶺五十餘萬，阿房、驪山七十餘萬，十餘年間，百姓死沒，相踵于路。陳、項又肆其餘烈，故新安之坑，二十餘萬，彭城之戰，睢水不流。至漢祖定天下，民之死傷，亦數百萬。是以平城之卒，不過三十萬，方之六國，五損其二。自孝惠至文、景，與民休息，六十餘歲，民衆大增，是以太倉有不食之粟，都內有朽貫之錢。武帝乘其資畜，軍征三十餘歲，地廣萬里，天下之衆亦減半矣。及霍光秉政，乃務省役，至于孝平，六世相承，雖時征行，不足大害，民戶又息。元始二年，郡、國百三，縣、邑千（四）（五）百八十七，地東西九千三百二里，南北萬三千三百六十八里，定墾田八百二十七萬五千三百六頃，民戶千三百二十三萬三千六百一十二，口五千九百一十九萬四千九百七十八人，多周成王四千五百四十八萬五十五人，漢之極盛也。及王莽篡位，續以更始、赤眉之亂，至光武中興，百姓虛耗，十有二存。中元二年，民戶四百二十七萬六千三百三十四，口（三）（二）千一百萬七千八百二十人。永平、建初之際，天下無事，務在養民，迄于孝和，民戶滋殖。及孝安永初、元初之間，兵飢之苦，民人復損。至于孝桓，頗增於前。永壽二年，戶千六百七萬九百六，口五千六萬六千八百五十六人，墾田亦多，單師屢征。及靈帝遭黃巾，獻帝卽位而董卓興亂，大焚宮廟，劫御西遷，京師蕭條，豪桀並爭，郭汜、李傕之屬，殘害又甚，是以興平、建安之際，海內凶荒，天子奔流，白骨盈野，故陝津之難，以箕撮指，安邑之東，后裳不完，遂有寇戎，雄雌未定，割剝庶民，三十餘年。及魏武皇帝剋平天下，文帝（授）（受）禪，人衆之損，萬有一存。景元四年，與蜀通計民戶九十四萬三千四百二十三，口五百三十七萬二千八百九十一人。又案正始五年，揚威將軍朱照日所上吳之所領兵戶凡十三萬二千，推其民數，不能多蜀矣。昔漢永和五年，南陽戶五十餘萬，汝南戶四十餘萬，方之於今，三帝鼎足，不踰二郡，加有食祿復除之民，凶年飢疾之難，見可供役，裁若一郡。以一郡之人，供三帝之用，斯亦勤矣。自禹至今二千餘載，

六代損益，備於茲焉。」臣昭案：謚記云春秋時有千二百國，未知所出。班固云周之始，爵五而土三，蓋千八百國。轉相吞滅，數百年間，列國耗盡，至春秋時，尚有數十。

河南尹秦三川郡，高帝更名。世祖都雒陽，建武十五年改曰河南尹。〔一〕二十一城，永和五年戶二十萬八千四百八十六，口百一萬八百二十七。

〔二〕應劭漢官曰：「尹，正也。郡府聽事壁諸尹畫贊，肇自建武，訖于陽嘉，注其清濁進退，所謂不隱過，不虛譽，甚得述事之實。後人是瞻，足以勸懼，雖春秋采毫毛之善，罰纖釐之惡，不避王公，無以過此，尤著明也。」

雒陽〔二〕周時號成周。〔三〕有狄泉，在城中。〔三〕有唐聚。〔四〕有上程聚。〔五〕有士鄉聚。〔六〕有褚氏聚。〔七〕有榮錡澗。〔八〕有前亭。〔九〕有圍鄉。〔一〇〕有大解城。〔一一〕

河南〔三〕周公時所城雒邑也，春秋時謂之王城。〔三〕東城門名鼎門，〔四〕北城門名乾祭。〔五〕又有甘城，〔六〕有蒯鄉。〔七〕梁故國，伯翳後。〔八〕有霍陽山。〔九〕有注

城。〔一〇〕熒陽有鴻溝水。〔一一〕有廣武城。〔一二〕有虢亭，虢叔國。有隴城。〔一三〕有薄

亭。有敖亭。〔一四〕有〔費〕〔熒〕澤。〔一五〕卷〔一六〕有長城，經陽武到密。〔一七〕有垣離城，

或曰古衡雍。〔一八〕有扈城亭。〔一九〕原武陽武〔二〇〕中牟〔二一〕有圃田澤。〔二二〕

有清口水。〔二三〕有管城。〔二四〕有曲遇聚。〔二五〕有蔡亭。開封〔二六〕苑陵有棐林。〔二七〕

有制澤。〔三〕有瑣侯亭。〔五〕

平陰

穀城瀘水出。〔四〕有函谷關。〔四〕

緱

氏。〔三〕有鄔聚。〔四〕有轅轅關。〔四〕

鞏。〔五〕有尋谷水。〔四〕有東訾聚，今名訾城。〔四〕

有坎埒聚。〔四〕有黃亭。有湟水。〔四〕有明谿泉。〔五〕

成鞏。〔五〕有旃然水。〔五〕有

瓶丘聚。有漫水。有汜水。〔五〕

京。〔五〕

密。〔五〕有大騶山。〔五〕有梅山。〔五〕有

陘山。〔五〕

新城。〔五〕有高都城。〔五〕有廣成聚。〔六〕有鄆聚，古鄆氏，今名蠻中。〔六〕

偃師。〔六〕有尸鄉。〔六〕春秋時曰尸氏。〔六〕

新鄭詩鄭國，祝融墟。〔六〕

平

〔一〕摯虞曰：「古之周南，今之雒陽。」魏氏春秋曰：「有委粟山，在陰鄉，魏時營爲圓丘。」皇覽曰：「縣東北山葛弘冢，

縣北芒山道西呂不韋冢。」

〔二〕公羊傳曰：「成周者何？東周也。」何休曰：「周道始成，王之所都也。」帝王世紀曰：「城東西六里十一步，南北九

里一百步。」晉元康地道記曰：「城內南北九里七十步，東西六里十步，爲地三百（里）（頃）一十二畝有三十六步。

城東北隅周威烈王冢。」

〔三〕左傳僖二十九年「盟于狄泉」，杜預曰城內太倉西南池水。或曰本在城外，定元年城成周乃繞之。案：此水晉時

在東（官）（宮）西北。帝王世紀曰：「狄泉本殷之墓地，在成周東北，今城中有殷王冢是也。又太倉中大冢，周景

王也。」

〔四〕左傳昭二十三年「尹辛敗劉師于唐」。

〔五〕古程國，史記曰重黎之後，伯休甫之國也。關中更有程地。帝王世紀曰「文王居程，徙都豐」，故此加爲上程。

〔六〕馮異斬武勃（也）〔地〕。

〔七〕左傳昭二十六年「王宿禡氏」，杜預曰縣南有禡氏亭。

〔八〕左傳周景王「崩于榮錡氏」，杜預曰鞏縣西。

〔九〕杜預曰縣西南有泉亭。即泉戎也。

〔一〇〕左傳昭二十二年單氏「伐東園」，杜預曰縣東南有園鄉。又西南有戎城，伊雒之戎。

〔一一〕左傳昭二十三年晉師次于解，杜預曰縣西南有大解、小解。

〔一二〕帝王世紀曰：「城西有郛鄆陌，太康畋于有雒之表，今河之南。」本傳有（負）〔負〕犢山。

〔一三〕鄭玄詩譜曰：「周公攝政五年，成王宅雒邑，使邵公先相宅，既成，謂之王城。」博物記曰：「王城方七百二十丈，郭方（七）〔一〕十里，南望雒水，北至陝山。」地道記曰去雒城四十里。左傳定八年「單子伐穀城」，杜預曰在縣西。

〔一四〕帝王世紀曰：「東南門九鼎所從入。」又曰：「武王定鼎雒陽西南，雒水北鼎中觀是也。」

〔一五〕左傳昭二十四年「士伯立於乾祭」。皇覽曰：「城西南柏亭西周山上周靈王冢，民祠之不絕。」

〔一六〕杜預曰縣西南有甘泉。

〔一七〕左傳昭二十三年尹辛攻剽。晉地道記曰：「在縣西南，有剽亭。」

〔一八〕有陽人聚。史記曰：「秦滅東周，不絕其祀，以陽人地〔賜周君〕。」

〔一九〕左傳哀四年「楚爲一昔之期，襲梁及霍」。

〔二〇〕史記曰魏文侯（四）〔三〕十二年敗秦于注。博物記曰：「梁伯好土功，今梁多有城。」

〔二一〕文穎曰：「於熒陽下引河東南爲鴻溝，即官度水也。」

〔三〕西征記曰：「有三皇山，或謂三室山。山上有二城，東者曰東廣武，西者曰西廣武，各在山一頭，相去二百餘步，其間隔深澗，漢祖與項籍語處。」

〔四〕左傳文（三）（二）年「盟于垂隴」。

〔五〕周宣王狩于敖。左傳宣十二年「晉師在敖、郕之間」。秦立爲敖倉。

〔六〕左傳宣十二年楚潘黨逐魏錡及熒，杜預曰縣東熒澤也。

〔七〕左傳成十年晉鄭盟脩澤，杜預曰縣東有脩武亭。

〔八〕史記蘇秦說襄王曰：「大王之地，西有長城之界。」

〔九〕史記无忌謂魏王曰「王有鄭地，得垣雍」者也。杜預曰卽是衡雍。又今縣所治城。

〔十〕左傳莊二十三年「盟于扈」，杜預曰在縣西北。

〔十一〕有武彊城。史記曰曹參攻武彊。秦始皇東遊至陽武博浪沙中，爲盜所驚。

〔十二〕左傳宣元年諸侯救鄭，遇于北林，杜預曰縣西南有林亭，在鄭北。

〔十三〕左傳曰原圃。爾雅十藪，鄭有圃田。

〔十四〕左傳閔二年遇于清，杜預曰縣有清陽亭。

〔十五〕杜預曰管國也，在京縣東北。漢書音義曰：「故管叔邑。」

〔十六〕前書曹參破楊熊。

〔十七〕左傳哀十四年「逢澤有介麋」，杜預曰在縣東北，遠，疑「非」。徐廣曰逢池也。

〔十八〕左傳宣元年諸侯會于葵林，杜預曰縣東〔南〕有林鄉。徐齊民北征記曰：「縣東南有大隧澗，鄭莊公所闕。又大城

東臨潏水，水東潏水注于洧，城西臨洧水。」

〔三〕左傳（宣）〔成〕十〔六〕年諸侯遷於制田，杜預曰縣東有制（城）〔澤〕。

〔四〕左傳襄十一年諸侯之師次于瑣，杜預曰縣西有瑣侯亭。

〔五〕博物記曰：「出潛亭山。」

〔六〕西征記曰：「函谷左右絕岸十丈，中容車而已。」

〔七〕左傳曰呂相絕秦伯，「殄滅我費、滑」，杜預曰滑國都於費，今緱氏縣。案本紀，縣有百坏山。干寶搜神記曰：「縣有延壽城。」

〔八〕左傳王取鄆、劉，杜預曰鄆在縣西南。

〔九〕瓚曰：「險道名，在縣東南。」

〔十〕鞏伯國。左傳曰「商湯有景亳之命」，杜預曰縣西南有湯亭。帝王世紀曰：「湯亭〔在〕偃師。」又曰：「夏太康五弟，須于維汭，在縣東北三十里。」

〔十一〕左傳昭二十三年王師、晉師圍鄆中。史記（日）張儀（日）「下兵三川，塞什谷之口」，徐廣曰縣有尋口。

〔十二〕左傳昭二十三年「單子取訾」，杜預曰在縣西南。晉地道記曰在縣之東。

〔十三〕左（氏）〔傳〕，周襄王出，國人納之坎埒，杜預曰在縣東。地道記在南。

〔十四〕左傳昭二十二年「王子猛居于皇」，杜預曰有黃亭，在縣西（北）〔南〕。

〔十五〕左傳昭二十（三）〔二〕年「賈辛軍于谿泉」。

〔十六〕史記曰，成舉北門名（王）〔玉〕門。左傳「破燕師于北制」，杜預曰「北制，一名虎牢」，亦即此縣也。穆天子傳曰：

「七萃之士，生搏虎而獻天子，命爲柙，而畜之東甬，是曰虎牢。」左傳曰：鄭子皮勞晉韓宣子于索氏，杜預曰：縣東有大索城。尚書禹貢「至于大岨」，張揖云：成皋縣山。又有旋門坂，縣西南十里，見東京賦（曰）。

〔五〕左傳襄十八年楚伐鄭，次旃然。

〔五〕左傳曰：周襄王處鄭地汜。

〔五〕鄭共叔所居，左傳云「謂之京城大叔」。應劭曰：「有索亭。楚漢戰京、索。」北征記又有索水。

〔五〕春秋時曰新城，傳曰新密。僖六年諸侯圍新城，杜預曰：一名密縣。

〔五〕山海經曰：「大隗之山，其陰多鐵，多美玉。有草焉，狀如蓍而毛，青華而白實，其名曰（蓍）（蓍），服者不夭。」

〔五〕左傳曰：襄十八年楚伐鄭，右迴梅山，在縣西北。

〔五〕史記魏襄王六年伐楚，敗之陘山。秦破魏華陽，地亦在縣。杜預遺令曰：「山上有冢，或曰子產，邪東北向新鄭城，不忘本也。」

〔五〕左傳曰：文十七年周敗戎于邲垂，杜預曰：縣北有垂亭。史記秦遷西周公於羑狐，徐廣曰：「與陽人聚相近，在雒陽南百五十里梁、新城之間。」

〔五〕史記蘇代說韓相國以高都與周者。

〔五〕有廣成苑。

〔五〕左傳昭十六年楚殺鄢子，杜預曰：縣東南有蠻城。又祭遵獲張滿也。

〔五〕帝王世紀曰：「帝嚳所都，殷盤庚復南亳，是爲西亳。」皇覽曰：「北有皋繇祠」，又曰：「有湯亭，有湯祠」。

〔五〕帝王世紀曰：「尸鄉在縣西二十里。」

〔三〕左傳昭二十六年劉人敗子朝之師于尸氏。前書田橫自殺處。
〔六〕皇甫謐曰：「古有熊國，黃帝之所都。」

河內郡高帝置。維陽北百二十里。十八城，戶十五萬九千七百七十，口八十萬一千五百五十八。

懷有隰城。〔二〕

河陽〔三〕有湛城。

軹〔三〕有原鄉。〔四〕有湓梁。〔五〕

波有絺

城。〔六〕

沁水〔七〕

野王有太行山。〔八〕有射犬聚。〔九〕有邗城。〔一〇〕

溫蘇子所都。

濟水出，王莽時大旱，遂枯絕。〔二〕

州

平皋有邢丘，故邢國，周公子所封。〔三〕有

李城。〔三〕

山陽邑。

有雍城。〔四〕有蔡城。〔五〕

武德

獲嘉侯國。

脩武故

南陽，秦始皇更名。

有南陽城，〔六〕陽樊、攢茅田。〔七〕有小脩武聚。〔八〕有隕城。〔九〕

共本國。淇水出。〔一〇〕有汎亭。〔一一〕

汲〔一二〕

朝歌〔一三〕紂所都居，〔一四〕南有牧野，〔一五〕

北有邶國，南有寧鄉。〔一六〕

蕩陰有姜里城。〔一七〕

林慮故隆慮，殤帝改。有鐵。〔一八〕

〔一〕左傳曰王取鄭隰城，杜預曰在縣西南。傳又曰卻至與周爭鄆田，杜預曰縣西南有鄆人亭。

〔二〕左傳曰王與鄭盟，杜預曰縣南孟津。

〔三〕左傳曰王以蘇忿生田向與鄭，杜預曰縣西北地名向上。

〔四〕左傳曰王與鄭原，杜預曰沁水西北有原城。

〔五〕左傳曰襄十六年諸侯會湏梁。

〔六〕左傳曰王與鄭絺，杜預曰在野王縣西南。

〔七〕山海經曰沁水出井陘東。

〔八〕山海經曰：「其上有金玉，下有碧。有獸焉，其狀如麋而四角，馬尾而有距，其名曰驪還。」酈食其說曰：「杜太行之道」，韋昭曰在縣北。

〔九〕世祖破青犢也。

〔一〇〕史記曰紂以文王、九侯、鄂侯爲三公，徐廣曰「鄂」一作「邢」。武王子封在縣西北。

〔一一〕皇覽曰：「縣郭東濟水南有虢公冢。」

〔一二〕臣瓚曰：「丘名也，非國，在襄國西。」

〔一三〕史記曰邯鄲李同却秦兵，趙封其父李侯，徐廣曰卽此城。

〔一四〕杜預曰古雍國，在縣西。

〔一五〕蔡叔邑此，猶鄭管城之類乎？

〔一六〕左傳僖四年晉文公圍南陽。史記曰：「白起攻韓南陽，太行道絕之。」山海經曰：「太行之山，清水出焉。」郭璞曰：「脩武縣北黑山亦出清水。」

〔一七〕服虔曰：「樊仲山之所居，故名陽樊。」杜預曰縣西北有（蕢）（攢）城。左傳曰定元年魏獻子田大陸，杜預曰西北吳澤也。

〔一八〕春秋曰寧。史記曰高祖得韓信軍小脩武，晉灼曰在城東。

〔二十六〕左傳隱十一年「以隕與鄭」。

〔二十七〕前志注曰水出北山。博物記曰：「有奧水，流入淇水，有綠竹草。」

〔二十八〕凡伯邑。

〔二十九〕晉地道記曰有銅關。

〔三十〕有鹿腹山。

〔三十一〕帝王世紀曰紂糟丘、酒池、肉林在城西。前書注曰鹿臺在城中。

〔三十二〕去縣十七里。

〔三十三〕史記无忌說魏安僖王曰「通韓上黨於共寧」，徐廣曰有寧鄉。左傳曰襄二十三年「救晉，次雍榆」，杜預曰縣東有

雍城是也。

〔三十四〕韋昭曰：「姜音酉。文王所拘處。」

〔三十五〕徐廣曰：「洹水所出。蘇秦合諸侯盟處。」班叔皮遊居賦亦曰「漱余馬乎洹泉，嗟西伯於牖城」。

河東郡秦置，維陽西北五百里。〔一〕二十城，戶九萬三千五百四十三，口五十七萬八百三。

〔二〕博物記曰：「有山澤近鹽。沃土之民不才，漢興少有名人，大衣冠三世皆衰絕也。」

安邑〔一〕有鐵，有鹽池。〔二〕

楊有高粱亭。〔三〕

平陽侯國。〔四〕有鐵。堯都

此。〔五〕

臨汾〔六〕有董亭。〔七〕

汾陰〔八〕有介山。〔九〕

蒲坂有雷首山。〔十〕

有沙丘亭。〔二〕

大陽有吳山，上有虞城，〔三〕有下陽城，〔四〕有茅津。〔五〕有顓軫

坂。〔二〕有桑泉城。〔三〕有白城。〔四〕有解城。〔五〕有瑕城。〔六〕皮氏有

耿鄉。〔三〕有鐵。有冀亭。〔三〕聞喜邑。〔三〕本曲沃。〔四〕有董池陂，古董澤。〔三〕有

稷山亭。〔三〕有涑水。〔三〕有洮水。絳邑。〔三〕有翼城。〔三〕永安故縣，〔三〕陽

嘉二年更名。〔三〕有霍大山。〔三〕河北詩魏國。有韓亭。猗氏。〔三〕垣有

王屋山，堯水出。〔三〕有壺丘亭。〔三〕有邵亭。〔三〕襄陵。〔三〕北屈。〔三〕有壺口

山。〔三〕有采桑津。〔四〕蒲子。〔四〕漢澤侯國。有〔祁〕〔析〕城山。〔三〕端氏。〔三〕

〔一〕帝王世紀曰：「縣西有鳴條陌。湯伐桀，戰昆吾亭。左傳昆吾與桀同日亡。」地道記〔巫〕咸山在南。

〔二〕前志曰池在縣西南。魏都賦注曰在猗氏六十四里。楊佺期維陽記曰：「河東鹽池長七十里，廣七里，水氣紫色。

有別御鹽，四面刻如印齒文章，字妙不可述。」

〔三〕左傳曰僖〔九〕〔二十四〕年晉懷公死高梁，杜預曰在縣西南。地道記有梁城，去縣五十里，叔嚮邑也。

〔四〕左傳曰成七年諸侯盟馬陵，杜預曰衛地也，平陽東南地名馬陵。又說在魏郡元城。

〔五〕晉地道記曰有堯城。

〔六〕博物記曰有賈鄉，賈伯邑。

〔七〕左傳曰晉改蒐于董，杜預曰縣有董亭。

〔八〕博物記曰：「古之綸，少康邑。」

〔九〕縣西北有狐谷亭。郭璞爾雅注曰：「縣有水口，如車輪許，潰沸涌出，其深無限，名之爲漢。」

〔一〇〕史記曰趙盾田首山，息桑下，有餓人祇彌明。縣南二十里有歷山，舜所耕處。又伯夷、叔齊隱於首陽山，馬融曰在蒲坂華山之北，河曲之中。

〔一一〕左傳曰文十二年秦晉戰河曲，杜預曰在縣南。湯伐桀，孔安國曰河曲之南。

〔一二〕杜預曰虞國也。帝王世紀曰：「舜嬪于虞，虞城是也。」亦謂吳城，史記秦昭王伐魏取吳城，卽此城也。皇覽曰：「盜跖冢臨河〔曲〕。」「博物記曰傅巖在縣北。」

〔一三〕虢邑，左傳僖二年虞、晉所滅。縣東北三十里。

〔一四〕左傳曰「秦伐晉，遂自茅津濟」，杜預曰在縣西。南有茅亭，卽茅戎。

〔一五〕左傳曰「入自顛軫」。博物記曰在縣鹽池東，吳城之北，今之吳坂。杜預曰在縣東北。

〔一六〕左傳曰咎犯與秦晉大夫盟於郇，杜預曰縣西北有郇城。博物記曰有智邑。

〔一七〕左傳僖二十四年晉文公入桑泉，杜預曰在縣西二十里。

〔一八〕左傳曰晉文公入取臼衰者也。杜預曰在縣東南。博物記曰：「臼季邑。縣西北卑耳山。縣西南齊桓公西伐所登。」

〔一九〕左傳僖十五年晉侯賂秦，內及解梁城。

〔二〇〕左傳文十二年秦侵晉及瑕，杜預曰猗氏縣東北有瑕城。

〔二一〕尚書祖乙徙耿。左傳閔元年晉滅耿，杜預曰縣東南有耿鄉。博物記曰有耿城。

〔二二〕左傳僖二年，晉荀息曰「冀爲不道」，杜預曰國，在縣東北。史記蘇代說燕王曰：「下南陽，封冀。」

〔二三〕博物記曰縣治涑之川。史記曰伐韓到乾河。郭璞曰：「縣東北有乾河口，但有故溝處，無復水。」左傳曰僖三十